

佛說八大人覺經

（附粵音）

佛說八大人覺經

西土聖賢集
後漢沙門安世高譯

甲 總標

奏

為佛弟子。常於晝夜。至心誦念八大人覺。

乙 別明

一 無常無我覺

第一覺悟。世間無常。國土危脆。趣四大苦空。

五陰無我。生死變異。虛偽無主。心是惡源。

形為罪藪。^守如是觀察。漸離生死。

二 常修少欲覺

第二覺知。多欲為苦。生死疲勞。從貪欲起。少欲無為。身心自在。

三 知足守道覺

第三覺知。心無厭足。唯得多求。增長罪惡。菩薩不爾。常念知足。安貧守道。唯慧是業。

四 常行精進覺

第四覺知。懈怠墜落。常行精進。破煩惱惡。
摧伏^服四魔。出陰界獄。

五 多聞智慧覺

第五覺悟。愚癡生死。菩薩常念。廣學多聞。
增長智慧。成就辯才。教化一切。悉以大樂。

六 布施平等覺

第六覺知。貧苦多怨。橫結惡緣。菩薩布施。
等念冤親。不念舊惡。不憎惡人。

七 出家梵行覺四

第七覺悟。五欲過患。雖為俗人。不染世樂。
常念三衣瓦鉢法器。志願出家。守道清白。
凡梵行高遠。慈悲一切。

八 大心普濟覺

第八覺知。生死熾然。次苦惱無量。發大乘心。
普濟一切。願代眾生受無量苦。令諸眾生。
畢竟大樂。

丙 結歎

如此八事。乃是諸佛菩薩大人之所覺悟。
精進行道。慈悲修慧。乘法身船。至涅槃岸。獵盤
復還生死。度脫道眾生。以前八事。開導一切。
令諸眾生。覺生死苦。捨離五欲。修心聖道。
若佛弟子。誦此八事。於念念中。滅無量罪。
進趣菩提。速登正覺。段永斷生死。常住快樂。
佛說八大人覺經

